



Kakanj, 01.12. 2025. godine
Broj: 01/D-01-43- 13099 /25

Na osnovu člana 48. Statuta Rudnika mrkog uglja "Kakanj" d.o.o. -Kakanj, Preporuke Komisije za javnu nabavku, broj: 1260-11/25 od 26.11.2025. godine, po otvorenom postupku (OP: 60/25 – Nabavka terenskog vozila 4x4), člana 69. stav 2. tačka d), člana 70. i 71. Zakona o javnim nabavkama ("Sl. glasnik BiH", broj: 39/14, 47/14, 59/22, 50/24), direktor Iso Delibašić, dipl.ekonomista i prokurist Adi Hamidović, dipl.inž.maš., donijeli su

O D L U K U

o poništenju postupka javne nabavke

Član 1.

Poništava se postupak javne nabavke – Nabavka terenskog vozila 4x4 (OP: 60/25) objavljen na Portalu javnih nabavki pod brojem obavještenja o nabavci: 967-1-1-441-3-272/25 od 29.10.2025. godine, iz razloga što nijedna od primljenih ponuda nije prihvatljiva – član 69. stav (2) tačka d) Zakona o javnim nabavkama.

Član 2.

Odbacuje se ponuda ponuđača "LADA AUTO" d.o.o. Banja Luka kao nepravilna iz razloga što nije u skladu sa zahtjevima iz tenderske dokumentacije.

Član 3.

Za izvršenje ove odluke zadužuje se i ovlašćuje Služba za javne nabavke Rudnika mrkog uglja "Kakanj" d.o.o. -Kakanj.

Član 4.

Ova odluka objavit će se na web-stranici <http://www.rmukakanj.ba/> shodno članu 70. stav (6) Zakona o javnim nabavkama.

Član 5.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke, broj: 01/D-01-43-11493/25 od 21.10.2025. godine.

Procijenjena vrijednost javne nabavke bez PDV-a je 90.000,00 KM.

Obavijest o nabavci broj: 967-1-1-441-3-272/25 od 29.10.2025. godine objavljena je na Portalu javnih nabavki dana 29.10.2025. godine.

Komisija za javnu nabavku je dana 26.11.2025.godine sačinila Zapisnik o ocjeni ponuda, broj: 1258-11/25 od 26.11.2025.godine i Preporuku o poništenju postupka nabavke, broj: 1260-11/25 od 26.11.2025. godine, u postupku javne nabavke roba – Nabavka terenskog vozila 4x4.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda jedan (1)
- da je blagovremeno zaprimljena jedna (1) ponuda
- da nije bilo neblagovremeno zaprimljenih ponuda
- da nijedna od primljenih ponuda nije prihvatljiva.

Ponuda ponuđača "LADA AUTO" d.o.o. Banja Luka je epravilna iz razloga kako slijedi:

U tački 4.1 Tenderske dokumentacije definisano je šta ponuda mora sadržavati najmanje, te je pod stavom k) navedeno: Izjava ponuđača da će ukoliko bude izabran obavezati garantni depozit za uredno izvršenje posla u vidu безусловne bankarske garancije na iznos od 10% ugovorene vrijednosti sa PDV-om u skladu



sa formom garancije za uredno izvršenje ugovora – Aneks 8. U vezi s tim, u tački 6.2 Tenderske dokumentacije navedeno je da će Ugovorni organ tražiti garanciju za uredno izvršenje ugovora.

Uvidom u Ponudu ponuđača "LADA AUTO" d.o.o. Banja Luka Komisija je utvrdila da je isti nije dostavio traženu izjavu.

U Tehničkoj specifikaciji Tenderske dokumentacije pod tačkom 1.2.3. Ugovorni organ je kao standard emisije izduvnih gasova postavio uslov "min EUR 6".

Uvidom u Ponudu ponuđača "LADA AUTO" d.o.o. Banja Luka Komisija je utvrdila da je isti na strani 33. svoje ponude kao emisioni standard naveo "Euro 5", čime ne zadovoljava postavljene minimalne uslove.

Dalje, u Tehničkoj specifikaciji Tenderske dokumentacije pod tačkom 2.5.1. Ugovorni organ je kao period važenja garancije naveo: "Minimalna garancija za vozilo je 3 godine ili 100.000 km šta prije istekne".

Uvidom u Ponudu ponuđača "LADA AUTO" d.o.o. Banja Luka Komisija je utvrdila da je isti na strani 36. svoje ponude kao kao period važenja garancije naveo: "2 godine (24 mjeseca) bez ograničenja pređenih kilometara", što takođe ne zadovoljava postavljene minimalne uslove.

Na osnovu naprijed utvrđenog činjeničnog stanja Komisija je ponudu ponuđača "LADA AUTO" d.o.o. Banja Luka ocijenila kao nepravilnu.

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine ("Službeni glasnik BiH" broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.


U postupku ocjene provedenog postupka direktor nije našao razloge, nepravilnosti niti propuste u radu koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je Preporuka o poništenju u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da u predmetnom postupku nema prihvatljivih ponuda.

Iz navedenih razloga, primjenom člana 69. stava (2) tačka d) Zakona o javnim nabavkama, odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Rudniku mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist


Adi Hamidović, dipl.inž.maš.



Direktor


Iso Delibašić, dipl. ekonomista

Dostavljeno:
1x Direktor
1x Učesnici u postupku javne nabavke
1x a/a